



# Coronavirus (COVID-19) - Fa'amatalaga mo matua ma tamaiti a'oga

O le malo uma o Ausetalia – feterale, setete ma teritori – ua aloaia le faatauaina o a'oa'oga ma ua tu'utino e lagolagoina tamaiti a'oga i le taimi atoa a o a'afia i le fa'ama'i COVID-19.

O malo setete ma teritori ma isi vaega faapitoa o le malo, ua i ai le agava'a faapitoa e faatautaia ai le faia o filifiliga mo le faagaioia o a latou a'oga. Mo faamatalaga e uiga i le faafefea ona tali mai a'oga i lau eria i le COVID-19, faamolemole faafesootai lau a'oga i se taimi vave lava, ma mulimuli i fautuaga mai lau malo setete po'o teritori. O fesootaiga i a'oga i setete ma teritori o lo'o maua i luga o upega tafa'ilagi o loo tuuina atu i lalo:

[Australian Capital Territory](#)  
[New South Wales](#)  
[Northern Territory](#)  
[Queensland](#)  
[South Australia](#)  
[Tasmania](#)  
[Victoria](#)  
[Western Australia](#)

O malo setete ma teritori ua malilie o filifiliga ma faaiuga e uiga i le faafefea ona tali mai a'oga i le faamai COVID-19 e tatau ona faaaauu pea ona faailoa mai fautuaga e i latou ua i ai le tomai faapitoa, i le atunuu atoa po'o e alaala i le setete i totonu o matagaluega o le soifua maloloina ma a'oga.

## Faaititia le ono sosolo o le COVID-19 i totonu o a'oga

I le aso **24 Aperila 2020**, na faasalalauina ai e le Australian Health Protection Principal Committee (AHPPC) [fautuaga tau soifua maloloina \(health advice\)](#) e tusa ma le faaititia o le ono sosolo o le COVID-19 i totonu o a'oga. O nei ta'iala ma fautuaga talafeagai na saunia mo ta'ita'i o a'oga o lo'o faafeagai ma tamaiti, matua, faia'oga ma le aufaigaluega lagolago ia faaititia atili o le tulaga maualalo o a'afiaga o le sosolo o le Coronavirus (COVID-19) i totonu o a'oga i le taimi o le fa'ama'i COVID-19.

I ni faamatalaga tuusa'o ma vavave o mea nei ia mata'ituina e aofia ai:

- **Mo matua:** afai e ma'i lou alo, e le tatau ona alu i le a'oga. E tatau ona e taofia o ia i le fale ma ia vavamamao mai isi tagata. Ia manatua e tausi le vavamamao mai isi matua ma faia'oga pe a alu i le a'oga, e aofia ai pe a aveina i le a'oga ma toe piki mai ou alo.
- **Mo tamaiti:** ta'u i ou matua, tagata tausi po'o lou faia'oga pe a fai ua e faalagoina ua e ma'i.

- **Mo faia'oga:** aua e te sau e faigaluega pe a fai o lo'o e ma'i ma o lo'o e lavea i le vaega o tagata e ono i ai a'afiaga e a'afia gofie ai i le vairusi.
- **Mo tagata matutua uma:** o le ono a'afia tele i le sosolo o le siama i siosiomaga o a'oga ei le va o tagata matutua. E matua'i taua tele i faia'oga ma matua foi le usitaia lelei o le vavamamao o latou mai isi i totonu o a'oga.

## Soifua Maloloina

Ua faamanatuina atu i tamaiti a'oga ina ia:

- fufulu so'o ou lima i le fasimoli ma vai, e aofia ai ma le taimi a'o le'i faia lau 'aiga ma pe a 'uma foi ona 'ai ma pe a uma ona e alu i le faleuila.
- Fa'aaoga fasimoli fufulu lima.
- Ufiufi lou tale ma mafatua i lou tulilima po'o se tisiu (ae le o ou lima).
- Tuu sa'o au tisiu ua uma ona fa'aaoga i le apa lapisi i se taimi vave lava ma fa'amama ou lima.
- Taumafai e aua e te tago i lou gutu po'o ou mata.
- Aua le uulima lima, pe faatalofa ma isi.
- Taumafai ia tele le avanoa e vavamamao ai nai le tulaga e masani ai i le va o oe ma isi.
- Alo'ese mai le tutu i laina.
- Ta'u atu i isi pe a e faalogoina ua e popole.

## Aiaiga mo tamaiti a'oga matutua ma ulufale atu i iunivesite

I le aso 7 Aperila 2020, na i ai se maliliega a Minisita o A'oga a setete ma teritori o tamaiti a'oga matutua (tamaiti a'oga tausaga 12) o le a ausia se tusi pasi (Senior Secondary Certificate of Education) i le tausaga nei, ma o lea tusi pasi o le a fesoasoani ia faafaigoie ai ona ulufale atu i le iunivesite, o'o atu i se isi laasaga o a'oa'oga ma maua se galuega.

## NAPLAN

I le aso 20 Mati 2020, na faia ai se faaiuga a Minisita o A'oga o le a le faaauuina le NAPLAN i le 2020. Na fuafua e amataina le NAPLAN mai le aso 12 i le aso 22 Me 2020.

O le faaiuga o le a le faaauuina le NAPLAN i le 2020 na faia ia fesoasoani ai i taitai o a'oga, faia'oga ma faia'oga lagolago ina ia faamuamua le soifua laulelei o tamaiti a'oga ma le faaauuina o a'oa'oga.

O le NAPLAN o se polokalama iloilo e su'e ai le tomai ma le agava'a o tamaiti a'oga i vaega e tolu o le maua o le a'oa'oga ma le malamalama – faitautusi, tusitusi ma le gagana (sipela, malamalama ma faaleoga) – ma i numerā. O a'oga uma i setete ma teritori na amataina le NAPLAN ia Me i tausaga uma talu mai le 2008.